

19 Junie 2015



*Hierdie is die voorlaaste uitgawe van Vrypos vir die kwartaal – indien enige inligting geplaas moet word voordat die skole volgende Vrydag sluit, stuur dit asseblief so gou moontlik aan [kerkinfo@ngkvs.co.za](mailto:kerkinfo@ngkvs.co.za)*

**1. HERINNERING AAN DIE VBO-WINTERWEEK:** Dit vind volgende week, vanaf 22 - 24 Junie 2015 in Bloemfontein plaas – klik [hier](#) vir die inligtingsdokument. **Daar is 'n vriendelike versoek dat diegene wat nog nie geregistreer het nie, so spoedig moontlik per SMS sal registreer** – besonderhede op inligtingsdokument.

**2. NG GEMEENTE VIRGINIA VIER 10 JAAR VAN GENADE:** Hierdie geleentheid word met 'n verskeidenheid geleenthede gevier (in 2005 word die Moedergemeente en NG Virginia-Oos een gemeente):

- **Feesuitgawe Resepteboek:** Die 1ste-druk A5 Resepteboeke is reeds uitverkoop – 'n A4 ringgebinde hersiene feesuitgawe met 510 oorspronklike resepte en 10 spyskaarte met 90 nuwe resepte, is nou beskikbaar @ R150 (pos en verpakking uitgesluit – gratis aflewering in Virginia-omgewing)
- **Vrydag 31 Julie:** 'n Musiekaand by kerslig met orrel, klavier, viole en koorsang. Na afloop hiervan, word sop, brood, wyn en biltong geniet.
- **Saterdag 5 September:** 'n Ma & dogter/vroue-lentetee met Izak Davel.
- **Sondag 6 September:** 'n Genade-lofprysingsdiens met Deon & Alex van Bloemfontein.
- **Vrydag 23 Oktober:** 'n Skemerkelkie met Frank Opperman as ds Tienie Benade.
- Die Feesjaar word op **Sondag 29 November** afgesluit met 'n dankseggingsnagmaal en gemeentefunksie.



Oudlidmate en- leraars van dié gemeente, asook van die oud-gemeente Virginia-Oos, word na hierdie geleenthede uitgenooi. Vir meer navrae hieroor, kontak die skriba, Rika Haasbroek @ 057 212 5524 (k), of vir ds Kobus Vermeulen @ 082 372 6246 / 057 212 9378.

**3. PASTORALE BERADINGSKURSUS:** 'n Kursus oor Seksuele verslawing word op **Saterdag 1 Augustus 2015** deur prof Wentzel Coetzer te Potchefstroom aangebied. Klik [hier](#) vir meer besonderhede.

**4. BYBEL-MEDIA NUUSBRIEF 11/2015:** Dié week is hul fokus op die jongste *Kerkbode* en die Julie-uitgawe van *LiG* – klik [hier](#).

5. **VAKATURES:** Vir die amptelike bekendmaking van **vakatures vir predikante** deur *Kerkbode*, gaan na [www.kerkbode.co.za](http://www.kerkbode.co.za) – klik dan op *Meer - Vakatures*.

6. **NB! HERHALINGS VAN BERIGTE:** Kennisgewings en inligting wat in 'n vorige uitgawe van *Vrypos* verskyn het, word [hier](#) vir jou gerief herhaal. **Inligting oor die fotokompetisie van die NGKVS-Jubeljaar is ook hier beskikbaar.**

7. **VERJAARSDAE:** Baie geluk aan die leraars wat gedurende die komende week, hul verjaarsdae vier – mag die nuwe lewensjaar vol vreugde, genade en liefde wees:

19 Junie:

Dr Pieter van Jaarsveld - BOTHAVILLE - 056 515 2209, 082 852 5702,  
[pjvanjaarsveld@telkomsa.net](mailto:pjvanjaarsveld@telkomsa.net)

Ds De La Harpe le Roux - TORINGS VAN HOOP (NG TWEETORING) - 051 436 1969, 083 232 1051, [dvlroux@telkomsa.net](mailto:dvlroux@telkomsa.net)

23 Junie:

Dr Ben Joubert - RIEBEECKSTAD - 057 388 1533, 082 921 0348, [b.joubert@absamail.co.za](mailto:b.joubert@absamail.co.za)

25 Junie:

Dr Wynand Retief - SENDING IN ZAMBIË (JMTUC) - [cwretief@gmail.com](mailto:cwretief@gmail.com)



8. **TEN SLOTTE:** *Aan al die pappas, vaders en oupas..., dankie vir die belangrike rolle wat julle in gesinne se lewens vertolk, mag hierdie komende Sondag vir julle almal 'n spesiale dag saam met julle geliefdes wees... en onthou*



Groetnis, tot volgende keer...

### THEA BOSMAN

Samesteller/Redaksioneel: [kerkinfo@ngkvs.co.za](mailto:kerkinfo@ngkvs.co.za)

Kommunikasie - NG Kerk Vrystaat

Tel: 051 406 6719

Faks: 086 502 0821

INDIEN U OP **VRYPOS** WIL INTEKEN, CLIK [hier](#) (meld asseblief ook u gemeente/dorp)

**AS U VRYPOS WIL KANSELLEER, CLIK [hier](#) (dit sal 'n fout wees!)**

Gee gerus vir ons terugvoer oor *Vrypos* by [kerkinfo@ngkvs.co.za](mailto:kerkinfo@ngkvs.co.za) – stuur ook enige nuusgebeure, ensovoorts na hierdie adres.

**VRYWARING / DISCLAIMER – Klik [hier](#)**

### PASTORALE BERADINGSKURSUS - SEKSUELE VERSLAWING:

In hierdie kursus word daar veral gefokus op aspekte soos pornografie, internetseks, prostitusie, ensovoorts. Die gevare wat pornografie op die Internet asook op selfone inhou (veral ook vir ons jeug), sal ook aan die orde kom. Ons gaan ook kyk na die diepere aanleidende oorsake, soos onder andere onverwerkte emosionele pyn, wat daartoe bydra dat persone

vasgevang raak, asook die vernietigende invloed wat dit op huwelike en verhoudings het. Daar word ten slotte gefokus op die pastorale begeleidingsproses tot heling en herstel van persone wat op een of ander wyse in die strik van seksuele verslawing beland het.

**Plek:** Studente Hervormde Kerk, Silwerstr 19, Potchefstroom (net langs klein kragstasie)

**Datum:** Saterdag 1 Augustus 2015

**Tyd:** 08:00 – 13:00 (5x VBO punte vir leraars)

**GPS koördinate:** Suid: 26.41.590 - Oos: 27.5.079

**Koste:** R250pp (egpare R350)

**Handleiding te koop (opsioneel):** R160 (posgeld R40 ekstra)

**Navrae en bespreking:** 083660 0409 / 082 577 8810 / 018 294 7457, of e-pos [wentzel7@mweb.co.za](mailto:wentzel7@mweb.co.za)

**Foie kan inbetaal word by:** ABSA spaarrek: 9061802135 – takkode: 335138 - Reknaam: SE Coetzer

## [TERUG NA INHOUD](#)

### **BYBEL-MEDIA NUUSBRIEF 11/2015:**

#### **Lees in die Kerkbode van 19 Junie:**

In die jongste Kerkbode is daar verhale oor serpe in Pretoria, omvattende uitreik na armes op Cradock, 'n gemeente in Vanderbijlpark wat sy hart vir 'n verlore dogter oopmaak en oor 'n rugby-afrigter vir wie dit oor meer as wen gaan.

Lees ook nuus oor:

- kerke wat onder die regering inklim,
- belangrike jeugnavorsing en
- die Vrystaatse kerk wat 'n stryd met hul provinsiale regering voer oor welsynsubsidies;
- daarby vertel Coenie Burger van die kerk waaroor hy droom.



#### **In LiG se Julie-uitgawe:**



... inspireer Tjailatyd se Amoré Bekker ons. Vaughan Gardiner en sy vrou praat oor passie, musiek en omgee. Ons vertel oor 'n enkelma wat haar aanneem-baba moes teruggee – haar verlies en haar hoop.

Vir ouers met kinders:

- Ma, ek is verveeld ...
- Veilige, vreeslose kinders. Leer hulle dat God beskerm.
- Beskerm jou kind teen goggas, gif en ander gevare in jou huis.

Ons gee raad oor hoe om as Christen kwaad te word. En gesels met getroudes wat al 'n egskeiding oorweeg het.

#### **Inligting, Navrae en Diensverskaffing:**

- Skakel 0860 26 33 42 óf 021 864 8210
- Of stuur jou bestelling per e-pos na: [bestel@bmedia.co.za](mailto:bestel@bmedia.co.za)
- Of koop met jou kredietkaart op die webtuiste: [www.bybelmedia.org.za](http://www.bybelmedia.org.za), klik dan op winkel, óf tik die produknaam in.

## [TERUG NA INHOUD](#)

## HERHALINGS:

### INHOUD:

#### 1. ALGEMEEN:

- **NG KERK VRYSTAAT JUBELJAAR FOTOKOMPETISIE:** Ons bring weer hierdie kompetisie onder alle belangstellendes se aandag. Die hooftema is *Klippe en Stene Jubel dit uit!*, met drie kategorieë, naamlik:

- Kerk in Omgewing / Gemeenskap
- Argitektuur en Simboliek
- Lig en Skadu's



Almal wat 'n liefde het vir fotografie, argitektuur, kuns en die estetiese, is welkom om in te skryf. Daar is geen ouderdomsbepanking nie. Naasbestaandes (kinders, afhanklikes en eggenotes) van die beoordelaars van die Jubeljaar Fotokompetisie, mag nie deelneem nie. Klik [hier](#) vir die **advertensie - meer inligting, sowel as die reëls** van die kompetisie is [hier](#) beskikbaar. Alles hieroor word ook op die NG Kerk se Facebook-blad (<https://www.facebook.com/events/1531858117036761/>), aangedui en **alle foto's wat ingeskryf word, gaan ook hiër geplaas word** – indien jy dus nog nie ons Facebook-blad gaan "like" het nie, doen dit sommer nou (onthou jy moet reeds deel van die FB gemeenskap wees).

- **ENGO - PROJEK WINTERHOOP:**

**Engo** Winterhoop 2015 **Engo**  
Eternal hope • Ewige hoop • Tshupo esafeleng

**Agtergrond**  
Winterhoop is 15 jaar gelede begin en betrek die publiek jaarliks by 'n spontane insameling van nie-bederfbare kos, baadjies, serpe en komberse om gedurende die snellende koue die nood van armes te verlig. 'n Groot aantal welsynsorganisasies, waarvan Engo deel is, neem landswyd deel aan die projek.

**Hoe werk Winterhoop?**  
Hierdie jaar word die publiek weereens aangemoedig om goeie kwaliteit baadjies, komberse, serpe en nie-bederfbare kos in te samel en by Engo se drie punte af te laai:

- Engo Gesinsorgkantoor, Van Heerdenweg 26, Bloemfontein. Skakel Amanda de Wet by 051 522 6914
- Charlotte Theron Kinder- en Jeugsorgsentrum, Wesselstraat 46, Bethlehem. Skakel Cathy Symington by 058 307 3700
- Engo Gesinsorgkantoor, 1ste Vloer, Huis Silwerkroon, Presidentstraat, Kroonstad. Skakel Iza de Beer by 056 212 4762.

**Waarvoor word die fondse aangewend?**  
Al die geld wat ingesamel word, sal onder die hooforganisasies verdeel word. Die goedere wat ingesamel word, sal onder andere aan die hooforganisasies voorsien word om uit te deel aan hierdie betrokke gemeenskappe. Die publiek word ook aangemoedig om dit wat ingesamel word self aan behoeftiges uit te deel en hul storie op Winterhoop se Facebook-blad te deel.

*Help ons hoop gee in die lewens van ons mense*

#### 2. VAKATURES:

- **GEREGISTREERDE MAATSKAPLIKE WERKER:** Die **President Kruger Kinderhuis te Reddersburg**, beskik oor 'n vakante pos vir 'n Maatskaplike werker. Hierdie Kinderhuis is onder bestuur van die Gereformeerde Kerke van SA. Die posvereistes is die volgende:
  - 'n Graad in Maatskaplike werk
  - 'n Geldige rybewys
  - Aanvoeling en begrip vir kinders
  - Vermoë om kinders emosioneel te lei
  - Kennis van Kinderwet 38/05

Stuur 'n CV en bewys van opleiding aan: Die Hoof, President Kruger Kinderhuis, Posbus 65,

Reddersburg 9904, of per faks aan 051 553 0083, of per e-pos aan [kinderhuis@zipplink.co.za](mailto:kinderhuis@zipplink.co.za). Navrae kan gerig word aan mnr I Fourie by 051 553 0086 / 083 790 5203 – **sluitingsdatum vir aansoeke is Woensdag 15 Julie 2015.**

- **LERAAR (VASTETERMYN KONTRAK):** Die NG Gemeente Oranjeville beskik oor 'n vakante pos en alle gelegitimeerdes word uitgenooi om aansoek te doen. Klik [hier](#) vir meer besonderhede – **sluitingsdatum vir aansoeke is Maandag 20 Julie 2015.**
- **TENTMAKERSPOS – NG GEMEENTE VERKEERDEVLEI:** Aansoeke word tans ingewag vir hierdie pos. Klik [hier](#) vir meer besonderhede – **sluitingsdatum vir aansoeke is Vrydag 31 Julie 2015.**

## [TERUG NA INHOUD](#)

### **VAKATURE – LERAAR (VASTETERMYN KONTRAK), NG ORANJEVILLE:**

Hiermee word die pos vir 'n vastetermyn, kontrakleer van die gemeente te Oranjeville bekend gestel.

**GEMEENTEPROFIEL:** Die NG Kerk Oranjeville is 'n plattelandse gemeente in die Vrystaat, ongeveer 65 km vanaf die Vaaldriehoek. Die gemeente bestaan uit 254 belydende lidmate en 52 dooplidmate, waarvan 98 lidmate bó die ouderdom van 60 jaar is en 58% van dié lidmate op plase woon.

**LERAARSPROFIEL:** Die Kerkraad en die gemeente nooi gelegitimeerde persone in die NG Kerk wat dinamies en geesvervuld is en wat minstens aan die volgende voldoen:

- 'n Toegewyde gelowige wat die Here liefhet en dien en geroepe is vir 'n bediening in 'n plattelandse gemeente.
- Oor leierseienskappe beskik met goeie menseverhoudinge wat na lidmate op alle sosiale vlakke en ouderdomme kan uitreik.
- 'n Passievolle en pligsgetroue prediker wat eredienste lei as 'n verrykende ontmoeting tussen God en die gemeente, op 'n ontspanne en informele wyse.

**PLIGTE:** Pligte soos omskryf in Artikel 9 van die Kerkorde kan verrig.

**VERGOEDING:** 'n Mededingende salaris, op 'n kontrakbasis, sal met die suksesvolle kandidaat onderhandel word, wat ook behuising sal insluit.

**AANSOEKE:** 'n CV moet vergesel wees van twee referente met kontakbesonderhede. Stuur aan:

- per pos: Die Saakgelastigde, Posbus 1, Oranjeville 1995
- per faks: 016 351 1705
- per e-pos: [ngkoranjeville@vodamail.co.za](mailto:ngkoranjeville@vodamail.co.za)

**SLUITINGSDATUM: MAANDAG 20 JULIE 2015**

**DIENSAANVAARDING:** Soos gereël by ooreenkoms.

**NAVRAE EN BESONDERHEDE:**

Leierouderling: Hennie Davel @ 082 800 2225

Saakgelastigde: Nunette Doyle @ 016 351 1705 (kantoor-ure Dinsdae – Donderdae 09:00 – 13:00)

**\*\* Die kerkraad behou hom die reg voor om geen aanstelling te maak nie. \*\***

## [TERUG NA INHOUD](#)

### **VAKATURE – TENTMAKERSPOS, NG VERKEERDEVLEI:**

Enige gelegitimeerde leraar, insluitend emeriti van die NG Kerk is welkom om aansoek te doen. Vergoeding en diensure is onderhandelbaar wanneer die diensoorkoms opgestel word - 'n ruim pastorie is beskikbaar.

Verkeerdevlei is sowat 75 kilometer vanaf Bloemfontein geleë. Die gemeente bestaan uit ongeveer 100 lidmate, waarvan die meerderheid ouer as 50 is. Daar is omtrent 15 (voorskools tot graad 9) kinders in die kategesegroep. Hulle is 'n

familiegrootte gemeente wat soos hul leuse dit stel, graag “in Jesus se Voetspore”, wil volg. Hulle sien met entoesiasme uit na die volgende fase in die gemeente se pad saam met God.

**Aansoeke kan tot Vrydag 31 Julie 2015 per e-pos gestuur word aan [bornmanrita@gmail.com](mailto:bornmanrita@gmail.com).**

Vir meer inligting of enige navrae, kontak vir Rita Bornman (saakgelastigde) @ 083 242 9242, of vir Koos Viviers (hoofouderling) @ 082 375 7933.

**[TERUG NA INHOUD](#)**



*150 Jaar - Onblusbaar*